

Bwrdd Iechyd Prifysgol Bae Abertawe
Cofnodion Cyfarfod Cyffredinol Blynnyddol y Bwrdd Iechyd Heb eu Cadarnhau
a gynhaliwyd ar 14 Hydref am 5.30yp drwy Microsoft Teams

Yn bresennol

Emma Woollett	Cadeirydd
Tracy Myhill	Prif Weithredwr
Martyn Waygood	Dirprwy Gadeirydd Dros Dro
Christine Williams	Cyfarwyddwr Dros Dro ar gyfer Nyrsio a Phrofiad y Claf
Chris White	Prif Swyddog Gweithredu/Cyfarwyddwr Therapiau a Gwyddor Iechyd
Keith Reid	Cyfarwyddwr Iechyd Cyhoeddus
Darren Griffiths	Cyfarwyddwr Cyllid Dros Dro
Jackie Davies	Aelod Annibynnol
Tom Crick	Aelod Annibynnol
Kathryn Jones	Cyfarwyddwr Dros Dro ar gyfer y Gweithlu a Datblygu Sefydliadol
Mark Child	Aelod Annibynnol
Maggie Berry	Aelod Annibynnol
Martin Sollis	Aelod Annibynnol
Andrew Jarrett	Aelod Cyswllt o'r Bwrdd
Reena Owen	Aelod Annibynnol
Richard Evans	Cyfarwyddwr Meddygol Gweithredol

Yn y cyfarfod:

Sue Evans	Cyngor Iechyd Cymuned
Hugh Patrick	Cyngor Iechyd Cymuned
Pam Wenger	Cyfarwyddwr Llywodraethu Corfforaethol
Matt John	Cyfarwyddwr Gwasanaethau Digidol
Hannah Evans	Cyfarwyddwr Trawsnewid
Irfon Rees	Pennaeth Staff
Liz Stauber	Pennaeth Llywodraethu Corfforaethol

Rhif y cofnod		Gweithredu
307/20	YMDDIHEURIADAU	
	Derbyniwyd ymddiheuriadau am absenoldeb gan Siân Harrop-Griffiths, Cyfarwyddwr Strategaeth a Keith Lloyd, Aelod Annibynnol.	
308/20	CROESO / SYLWADAU RHAGARWEINIOL	
	Croesawodd Emma Woollett bawb i'r cyfarfod cyffredinol blynnyddol cyntaf fel Bwrdd Iechyd Prifysgol Bae Abertawe, gan nodi y bu'n	

	flwyddyn anarferol iawn yn sgil pandemig Covid-19, sy'n dal yn parhau. Dywedodd hefyd iddi fod yn fraith iddi gael ei phenodi i'r gadair ond bod tristwch hefyd oherwydd y newyddion y byddai Tracy Myhill yn ymddeol. Mae gwaith nawr yn cael ei wneud i recriwtio olynnydd teilwng.	
309/20	CRYNODEB O'R FLWYDDYN	
	Derbyniwyd cyflwyniad yn rhoi crynodeb o 2019-20. Wrth gyflwyno'r cyflwyniad, codwyd y pwyntiau canlynol: - Diolchodd Tracy Myhill i'r tîm gweithredol am y cynnydd a wnaed yn ystod y flwyddyn; - Bu'n flwyddyn heriol oherwydd y pandemig ond bu ymroddiad ac ymateb y staff yn anhygoel, gan olygu'n aml iddynt aberthu'n bersonol; - Roedd yn gyfle i ddysgu o'r newidiadau a wnaed a'u sefydlu; - Cymerwyd nifer o gamau gweithredu er mwyn ymateb i'r pandemig, yn cynnwys sefydlu dau ysbyty maes a chreu uned bediatrig yn Ysbyty Treforys ar gyfer achosion brys a derbyniadau; - Bu'r gefnogaeth gan y gymuned leol yn aruthrol o ran rhoddion i staff a chleifion; - Talwyd teyrngedau i Liz Spooner, Jenelyn Carter, Linnette Cruz a Sharon Bamford, sef cydweithwyr a fu farw oherwydd Covid-19. Talwyd teyrnged hefyd i Gerallt Davies, sef parafeddyg gydag Ymddiriedolaeth GIG Gwasanaethau Ambiwylans Cymru (WAST), a fu'n gweithio'n agos gyda'r adran achosion brys; - Bu nifer o newididau i'r tîm gweithredol yn ystod y flwyddyn a diolchwyd i'r rhai mewn rolau dros dro ar hyn o bryd am gamu i'r adwy; - Parhaodd y ffocws ar gefnogi staff, yn cynnwys lansio ymgyrch #livingourvalues a chyflwyno'r <i>Guardian Service</i>, gan alluogi staff i godi pryderon yn gyfrinachol; - Roedd y bwrdd iechyd yn gweithio'n galed ar fod yn gynhwysol a chafwyd rhwydweithiau staff ar gyfer rhai oedd yn LGBT+ (pobl lesbiaidd, hoyw, ddeurywiol a thrawsryweddol/trawsrywiol) a BAME (pobl dduon ac Asiaidd a lleiafrifoedd ethnig); - Cafwyd nifer o ddatblygiadau digidol, gyda chofnodion meddygol yn un enghraifft;	



- Cyflwynwyd gwasanaeth iechyd galwedigaethol llawnach, sef gwasanaeth saith niwrnod yr wythnos, yn ystod y pandemig. Bu'r tîm yn fuddugol yng Ngwobrau Iechyd Galwedigaethol a Lles *Personnel Today* yn ddiweddar, ar y cyd â'r tîm lles;
- Cafwyd gostyngiad o 7% mewn achosion o friwiau pwysu yn 2019-20;
- Dechreuwyd grŵp cymorth newydd ar gyfer dynion ym Mae Abertawe sy'n poeni am eu hiechyd meddwl, sef 'The Rally';
- Roedd 'Adre o'r Ysbyty' yn cefnogi pobl dros 65 oed i ddychwelyd adref cyn gynted ag yr oedden nhw'n ddigon da;
- Er bod yr angen i ymateb i Covid-19 wedi effeithio ar y ffordd y gallai'r gwasanaethau gael eu darparu, gwelwyd nifer fawr o gleifion a rhoddwyd triniaeth iddynt yn ôl yr angen;
- Rhagorwyd ar yr uchelgeisiau ar gyfer atal a rheoli heintiau ym mhob un o'r pum mesur craidd;
- Cafodd 85% o gleifion a gyfeiriwyd ar frys at wasanaethau canser eu gweld o fewn y targed o 62 diwrnod. Am dri mis, perfformiad y bwrdd iechyd oedd y gorau yng Nghymru.
- Erbyn diwedd y flwyddyn, derbyniwyd pob un o'r cleifion strôc i wely strôc o fewn pedair awr a gwelwyd 100% o'r rhai yr oedd angen sgan CT arnynt (tomograffeg gyfrifiadurol) o fewn awr;
- Roedd gwelliant amlwg yn y perfformiad ar gyfer gofal heb ei drefnu, diolch i nifer o newidiadau arloesol. O ran amseroedd ymateb ambiwlansys brys, roedd y bwrdd iechyd ymhlith y rhai a wnaeth berfformio orau;
- Dechreuwyd ar y gwaith o gynyddu mynediad at ofal wedi'i gynllunio. Fodd bynnag, cafodd gwasanaethau arferol eu hoedi ym mis Mawrth 2020 oherwydd y pandemig;
- Adroddwyd mai'r sefyllfa ariannol ar ddiwedd y flwyddyn oedd diffyg o £16.284. Er bod hyn wedi'i ragfyngi, roedd yn golygu gorwario o ran y gyllideb, sef methiant i gyflawni dyletswydd ariannol;
- Fe wnaeth y bwrdd iechyd fodloni ei derfyn adnoddau cyfalaf am y flwyddyn;
- Roedd ffordd hir o'n blaenau er mwyn gwella ac er nad oedd yn glir sut y byddai'r pandemig yn parhau i ddatblygu, cynlluniwyd rhai mentrau, yn cynnwys moderneiddio gwasanaethau iechyd meddwl i oedolion a symud rhai gwasanaethau orthopedig i



GIG
CYMRU
NHS
WALES

Bwrdd Iechyd Prifysgol
Bae Abertawe
Swansea Bay University
Health Board

	Ysbyty Castell-nedd Port Talbot er mwyn rhoi cymorth i ailgychwyn rhai triniaethau.	
Penderfyniad:	Dylid nodi ’r cyflwyniad.	
310/20	SESIWN HOLI AC ATEB	
	Dywedodd Emma Woollett na dderbyniwyd unrhyw gwestiynau gan aelodau o'r cyhoedd na'r staff.	
311/20	SYLWADAU I GLOI	
	Daeth Emma Woollett â'r cyfarfod i ben drwy ailbwysleisio'r cynnydd a wnaed yn ystod y flwyddyn yn ogystal â'r ymateb eithriadol i Covid-19. Dywedodd fod 2020-21 hefyd wedi cael ei rheoli gan y feirws hyd yma ond y byddai rhai o'r newidiadau a wnaed yn cefnogi'r uchelgais tymor hir ar gyfer trawsnewid. Roedd yn edrych ymlaen at weld pobl mewn cyfarfod yn y dyfodol.	
312/20	DYDDIAD NESAF CYFARFOD Y BWRDD	
	Nodwyd mai dyddiad nesaf cyfarfod y bwrdd fyddai 26 Tachwedd 2020.	